



Universitätsbibliothek Paderborn

**Compendiolvm Vitæ Admirabilis Et Pretiosæ Mortis B.
Rosæ De S. Maria Limensis Peruanæ, Tertii Ordinis S. P.
Dominici à S. D. N. Clemente IX. Beatis Annumeratæ**

González de Acuña, Antonio

Augustæ Vindelicorum, 1668

Capvt XVI. Rosæ eximus pro periclitantium animarum salute zelus, &
studium consulendi corporali saluti proximorum supra modulum
facultatum.

urn:nbn:de:hbz:466:1-44063

CAPVT XVI.

ROSÆ eximius pro periclitantium animarum salute zelus, & studium consulendi corporali saluti proximorum supra modulum facultatum.

Quoties ad interiora meridionalis Americæ montana flectebat oculos cruciabatur medullitus, illachrymans perditioni tot Barbarorum: & cæteræ gentes Christianis legibus non excultæ perpetua illi erant materia laerymarum: Optabat visceratim discerpi, ac retis instar obpandi voragini, quā tot animæ infelices ruebant ad Tartara: hortabatur Religiosos viros ardentissimis verbis, ut ad nunciandum Barbaris Evangelium festinarent: non haerendum, intonabat, in subtilitatum apicibus, in controversiis verborum: projici scholasticos labores, clamorasque disputationes, si tantis parta sudoribus eruditio proximorum saluti fideique propagationi non impendantur. Asserebat, se nisi fœminam natura finxisset, decurso studio literarum aditoram fuisse ferocissimas gentes, quas vel in viam salutis reduceret, vel ab illis coronam acciperet mortis obitæ pro fide sanctissima: statuerat adoptare sibi pupillum inopem, & desolatum, quem in studio virtutis, & litterarū educaret ad laborem in converti-

ne

ne gentilium subeundum. Uni ex Confessariis suis incerto, an expeditionem ad Barbaros susciperet, obtulit dimidium operum suorum, quibus Divinitatis amorem demerebatur, ut alacrior ille ad excolendam vineam Domini festinaret. Quæ verò illi cura fuit, & zelus perclitantium Christianorum? pro his quotidie cruenta sibi verbera infligebat, dicens, si quo modo sibi licuisset fungi prædicatoris officio opertam horrido cilicio, nudipedem, squallidam interdiu, noctuque se circumlaturam Crucifixi Servatoris imaginem per fora, per trivia, & lugubri clamore revocaturam ad cor homines à recta via deerrantes: at divini verbi concionatores fervida modestia admonebat officii, ut facundia inani, & inutilibus floribus, ac theatricæ ostentationis cothurno posthabito, animadverterent, constitutos sese hominum piscaiores, qui flagitiosas animas eximerent ab imma Charybdi vitiorum. Et exemit ipsa Rosa nonnullas prodigiosè. Juvenem præcipuo genere, quam moribus nobiliorem, qui amore pulcherrimæ Rosæ succensus ac desperata spe nuptiarum, quærebat saltem occasionem, quæ oculos pasceret illius venustate, ideoque Rosæ Matrem convenerat, ut juberet à filia collaria sibi aliqua ex pretioso carbaeo elaborari. Advocata Rosa, ut statueret, quot ulnæ melioris telæ, & undenam essent emendæ, divinitus edotta secretum, quod corde premebat Vincentius

Mon-

Montesius Venegas (hoc iuveni nomen erat,) illum sanctissimis verbis ad virtutem incendit, adeò ut sobriam, & gravem vivendi rationem instituerit, singulis ad minimum octiduis divino epulo refici consuetus. Fœminam præcipitis iracundiæ, ad tractabile pacis ingenium, instituta de tranquillitate animi suavissima concione revocavit, adeò ut fateretur recordatione mansuetissimæ Rosæ sopiri, quascumque flamas naturæ ignis accenderet. Religiosum virum cum morte luctantem, & formidine severi Judicis trementem confirmavit, oblato illi de suorum exercitorum qualicunque censu quidquid moribundo deesset ad supplendam inopiam meritorum, ab obitu conveniri se petens à defuncti anima, si forte indigeret ulteriori suffragio. Et divinitus Rosæ innotuit, illum quamprimum regioni lucis adscriptam fuisse. Mirabitur profectò unusquisque pauperimæ Rosæ funus publicis mendicorum ejulatibus, ac lachrymis celebratum fuisse, vociferante turba egenorum, suam sibi nutricem ac matrem fato immaturo præceptam: adeò palmas suas extendit ad pauperes, cum his dividendo eleemosynas, quas insperatò receperat. Fuit cùm octo dierum alimoniam sibi subtraxit, pro egentis cuiusdam subsidio: cum triginta sex ulnas candidæ telæ sibi à Matre attributas ad sudaria, vela, mantilia, omnemque candidi nitoris supellectilem formandam pro arbitrio

suo,

suo, secretò donavit duabus Virginibus , gene-
re, & virtute nobilibus , at pauperibus : fuit ,
cùm oblongum, & ad terram usque demissum
Matris pallium inopi cuidam Virginis donum
fecit, & Matri conquestæ prædixit, pluribus il-
lam à divina bonitate ditandam. Stetit pro-
missis fides; namque post paucos dies ignotus
homo quadraginta libras argenteas pro pallio
coëmendo attulit Matri. Maria de Sala per fa-
mulum misit sericum subtegmen alteri confi-
ciendo sufficiens , & sibi oblatas ad hoc ejus-
dem materiæ totidem ulnas Limanus Prædicato-
rum Conventus Rosæ matri destinavit. Nobi-
lem Virginem egestate, ac morbo pressam, pu-
rulenti cancri peste nulli ferendam, intra pa-
ternas ædes recepit & medicas illi manus admo-
vit fedulitate tanta, ut brevi ad salutem revoca-
verit. Cujusque fortis, aut conditionibus pau-
peres fœminas morbis affectas in domum pa-
triæ inferebat, neque tecti solum, & strati, sed
& medicinæ, ciborumque solatio egentes refi-
ciebat. Iis abstergebat purulenta ulcera, mun-
dabat vestes, lavabat pedes, nullo discrimine Hi-
spanos inter & Indos, Æthiopésque, nigros, &
candidos. Nulla ægritudo tam putrida, nullum
ulcus tam teturum, cui Virginea adhibere ma-
nus Rosa defugeret. Hac ambitione obibat
mulierum valetudinaria, & præcæteris horridas
intuita, his eluebat vasa, parabat edulia , lectu-
lum componebat, nil dignata, si vitiata sanies

E

pan-

pannis suis adhæreret, quamvis cæteroqui
munditiam amaret. Quinimò aliquando cum
extractum è venâ cujusdam famulæ sanguinem,
post biduum seroso virore, flavis, nigrisque
maculis, ac sanie ramosa decolorèt stomachus
horreret, secessit in angulum, & ad instar Sera-
phicæ suæ Magistræ, totum illum, virulentum
cruorem ausu heroico sensim epotavit. Et Ro-
sæ charitas morte fortior non raro fuit, nam
que salutem redonavit ægris, quibus ministrâ-
bat. Inter alios Joannes Almansa nobilis vir
decumbens impetrato Rosæ alloquio, in illius
vultu majestatem Angelicam notavit: & hausta
viva spe incolmitatis, solutus in somnum est,
& integrè sanus evigilavit. Plura curationum
miracula in aliud tempus differimus. interim
addere liber, quod vel ad bruta animantia Ro-
sæ suavitas, ac tenera miseratio protendebatur.
Erat Mariæ de Oliva Rosæ genitrici, miræ pul-
chritudinis pullus gallinaceus, cuius in teriore,
& alis verficoloribus amœna plumarum varie-
tas ludebat, & collum quædam veluti purpura
incinxerat, adeò ut domi in deliciis esset. Sed
cum jugiter cubaret humi, nec unquam visus
esset in pedes attolli, nunquam auditus cucuri-
re, pertæsa Mater constituit illum jugulare, &
mensæ comedendum apponere. Adstans Ro-
sa, Canta, inquit, mi pulle, ne moriaris. Vix
verbum protulerat, cum sub oculis omnium
repente Gallus adsurrexit in pedes totum con-

cl.

clave prætumidis passibus perambulavit, & hilariiter cucurrit, repetita quindecies intra quadrantis horarij spatium cantilena.

C A P V T X V I I .

RO SÆ magna in Deo fiducia,
crebrô in suis suorûmque necessitatibus explorata.

Mirificè afficiebatur verbis illis Davidicis : Deus in adjutorium meum intende : Domine ad adjuvandum me festina : hæc sedens, stans, ambulans devotissimè iterabat. Tria potissimum erant de quorum afflictione dubitare Rosam non sinebat cœlitus concessa fiducia certitudo : primum æterna sua beatitudo, alterum perpetua, & nunquam interpolanda Dei amicitia, postremum, certum ex alto auxilium in quibusvis necessitatibus, ac repentinis periculis. Semel concussa est pavida formidine, circa prædestinationis arcanum omni animæ tremendum, sed illicò Dominus sic illius cor est allocutus : filia neminem condemnno, nisi violentem condemnari : igitur ex hinc tranquillo animo esto. Exinde tam invicta fiducia cordi Virginis inhæsit, ut interrogata à Doctore Castillo, an suæ salutis certam notitiam divinitus accepisset, fateri compulsa sit : superna illustratione tempestivè se didicisse, quod ab æterno electa erat ad cœlestem gloriam ; quin et-